


水經注卷之二十一 遼東 二  
閭多禽獸以射獵爲事遂見敬信依者甚衆其會  
孫忍因留湟中爲湟中羌也湟水又東右控四水  
道源四谿東北流注于湟湟水又東逕赤城北而  
東入經戎峽口右合羌水出西南山下逕護羌城  
東故護羌校尉治又東北逕臨羌城西東北流于  
湟湟水又東逕臨羌縣故城北漢武帝元狩元年  
以封孫都爲侯國王莽之監羌也謂之綏戎城非  
也湟水又東盧谿水注之水出西南盧川東北流  
注于湟水湟水又東逕臨羌新縣故城南關駟曰  
臨羌新縣在郡西百八十里湟水逕城南也城有

東西門西北隅有子城湟水又東右合溜谿伏溜  
石杜蠡四川東北流注之左會臨羌谿水水發新  
縣西北東南流歷縣北東南入湟水湟水又東龍  
駒川水注之水又出西南山下東北流逕龍駒城  
北流注于湟水湟水又東長寧川水注之水出松  
山東南流逕晉昌川晉昌川水注之長寧水又東  
南養女川水注之水發養女北山有二源皆長湍  
遠發南總一川逕養女山謂之養女川關駟曰長  
寧亭北有養女嶺卽浩疊之西平之北山也亂流  
出峽南逕長寧亭東城有東西門東北隅有金城



疑作二

水經注卷之

卷之二

三

四百五

西平西北四十里十三州志曰六十里遠矣長寧  
 水又東南與一水合水出西山東南流水出南山  
 上有風伯祠春秋祭之其水東南逕長寧亭南東  
 入長寧水長寧水又東南流注于湟水湟水又東  
 牛心川水注之水出其南遠山東北流逕牛心川  
 東古本作牛心堆按御覽引湟水注云牛心堆乃湟水源山名也吳本改作牛心川非矣又  
 北逕西平亭西東北入湟水湟水又逕西平城北  
 東城即故亭也漢景帝六年封隴西太守北地公  
 孫渾邪為侯國魏黃初中立西平郡憑倚故亭增  
 築南西北三城以為郡治湟水又東逕土樓南樓


北倚山原峯高三百尺又當作若削成樓下有神  
 祠彫墻故壁存焉闕駟曰西平亭北有土樓神祠  
 者也今在亭東北五里右則五泉注之泉發西平  
 亭北鴈次相綴東北流至土樓南北入湟水湟水  
 又東右合葱谷水水有四源各出一谿亂流注于  
 湟水又東逕東亭北東出漆峽山峽也東流右則  
 漆谷常谿注之左則甘夷川水入焉湟水又東安  
 夷川水注之水發遠山西北逕控衆川北屈逕安  
 夷城西北東入湟水湟水又東逕安夷縣故城城  
 有東西門去西平亭東七十里闕駟曰四十里湟

水經注卷之二

卷之二

三

四百五




白讀未詳

水又東左合宜春水水出東北宜春谿西南流至  
于安夷南入湟水湟水又東勒且谿水注之水出  
縣東南勒且谿北流逕安夷城東而北入湟水湟  
水有勒且之名疑卽此號也後漢書耿恭傳恭討  
西羌未服者勒且燒  
何羌等十三種數萬人皆詣恭降注  
云姐音紫因知此勒且卽勒姐也闕駟曰金城  
河初與浩疊河合又與勒且河合者也湟水又東  
左合承流谷水南入右會達扶東西二谿水參差  
北注亂流東出六山名也東流期頓雞谷二水北  
流注之吐鄯疑作孤長門兩川南流入湟水湟水  
又東逕樂都城南東流又合來谷乞斤流二水左

石疑作石

白讀未詳


會陽非流谿細谷三水東逕破羌縣故城南應劭  
曰漢宣帝神爵二年置城省南門十三州志曰湟  
水河在南門前東過六谷水自南破羌川自北左  
石翼注湟水又東南逕小晉興城北故都尉治闕  
駟曰允吾縣西四十里有小晉興城也湟水又東  
與閣門河合卽浩疊河也出西北塞外東入塞逕  
敦煌酒泉張掖南東南逕西平之鮮谷塞尉故城  
南又東南與湛水合水有二源西水出白嶺下東  
源發于白岸谷合爲一川東南流至霧山注閣門  
河閣門河又東逕養女北山東南左合南流川水



出北山南流入于閭門河河又東逕浩疊縣故城南王莽改曰興武矣闕駟曰浩讀閭也故亦曰閭門水兩兼其稱矣孟康漢志注云浩疊音閭今俗呼此水為閭門水又東流注于湟水故地理志曰浩疊水東至允吾入湟水又東逕允吾縣北為鄭伯津與澗水合漢志作與澗水合水出縣北令居縣西北塞外南流逕其縣故城西漢武帝元鼎二年置王莽之罕虜也又南逕永登亭西歷黑石谷南流注鄧伯津湟水又東逕允街縣故城南漢宣帝神爵二年置王莽之脩遠亭縣有龍泉出允街谷泉眼之中水文成蛟龍或

草皂古一字作皂為是

試撓破之尋平成龍畜生將飲者皆畏避而走謂之龍泉下入湟水湟水又東逕枝陽縣逆水注之水出允吾縣之參街谷東南流逕街亭城南又東南逕陽非北亭又東南逕廣武城西故廣武都尉治郭淮破叛羌據魏志故無載乃當作治無載故無載于此處也羌人城之西南二十許里水西有馬蹄谷漢武帝聞大宛有天馬遣李廣利伐之始得此馬有角為奇故漢賦大馬之歌曰天馬來兮歷無草逕千里今巡東道漢禮樂志云天馬徠歷無草逕千里循東道胡馬感北風之思遂頓羈絕絆驤首而馳晨發京城食脫字至敦





煌北塞外長鳴而去。因名其處曰候馬亭。今晉昌郡南及廣武馬蹄谷盤石上馬跡若踐泥中有自然之形故其俗號曰天馬。徑夷人在邊效刻是疑足有大小之迹體狀不同視之便別。逆水又東逕枝陽縣故城南。東南入于湟水。地理志曰逆水允吾東至枝陽。漢地志云逆水出允吾參街谷東至枝陽入湟河又東流注于金城河。即積石之黃河也。闕駟曰河至金城縣謂之金城河。隨地為名也。釋氏西域記曰牢蘭海東伏流龍沙堆在屯皇東南。四百里河步于鮮卑山東流至金城為大河。出崑崙崑崙即阿耨達

山也

河水又東逕石城南

謂之石城津。闕駟曰在金城西北矣。河水又東南逕金城縣故城北。應劭曰初築城得金故曰金城也。漢書集註薛瓚云金者取其堅固也。故墨子有金城湯池之言矣。王莽之金屏也。世本曰鯨作城。風俗通曰城盛也。從土成聲。管子曰內為之城外之為郭。郭外之上開池。高則溝之。命之曰金城。十三州志曰大河在金城北門東流有梁泉注之。出縣之南山。按者舊言梁暉字始娥。漢大將軍梁冀





後冀誅入羌後其祖父為羌所推為渠帥而居此  
城土荒民亂暉將移居枹罕出頓此山為羣羌圍  
迫無水暉以所執榆鞭豎地以青羊祈山神泉湧  
出榆木成林其水自縣北流注于河也

又東過榆中縣北

昔蒙恬為秦北逐戎人開榆中之地按地理志曰  
金城郡之屬縣也故徐廣史記音義曰榆中在金  
城即阮嗣宗勸進文所謂榆中以南者也

又東過天水北界

苑川水出勇士縣之子城南山東北流歷此城川

成城川城字疑作

世謂之子城川又北逕牧師苑故漢牧苑之地也  
羌豪迷吾漢書通典  
並作迷吾等萬餘人到襄武首陽平襄

可讀未詳

勇士至抄此苑焉苑焉當  
作苑馬焚燒亭驛即此處也又  
曰苑川水地為龍馬之沃土故馬援請與田戶中  
分以自給也有東西二苑城相去七里西城即乞  
佛所都也又北入于河也

又北過武威媼圍縣東北

河水逕其界東北流縣西南有泉源東逕其縣南

又東北入河也

又東北過天水勇士縣北

水經注卷二

卷二

三

資

地理志曰滿福也屬國都尉治

滿福當作滿福前漢地志勇士縣注

云屬國都尉治滿福

王莽更名之曰紀德水出縣山世謂之

二十八渡水東北流谿澗縈曲途出其中逕二十

八渡行者勤於溯涉故因名焉北逕其縣而下注

河又有赤擘川水南出赤蒿谷北流逕赤擘川又

北逕牛官川又北逕義城西北北流歷三城川而

北流注于河也

又東北過安定北界麥田山河水東北流逕安定祖

厲縣故城西北

漢武帝元鼎五年幸雍遂踰隴登空同西臨祖厲

河而還即於此也王莽更名之曰鄉禮也李斐曰

音賴

漢地志安定郡有祖厲縣本紀李斐注云祖厲音差賴

又東北祖厲州

水注之水出祖厲南山北流逕祖厲縣而西北流

注于河水

河水又東北逕麥田城西又北與麥田泉水合

水出城西北西南流注于河


河水又東北逕麥田山西

謝兆申云宋鈔本西下有谷川二字

在安定西北六百四十里


河水又東北逕于黑城北又東北高平川水注之

即若水也水出高平大壟山若水谷建武八年世



祖征隗囂漢從高平第一城若水谷入卽是谷也  
 東北流逕高平縣故城東漢武帝元鼎三年安定  
 郡治也王莽更名其縣曰鋪睦西十里有獨阜阜  
 上有故臺臺側有風伯壇故世俗呼此阜爲風堆  
 其水又北龍泉水注之水出縣東北七里龍泉東  
 北流注高平川川水又北出秦城謝兆申云宋本  
無又字而秦城  
 長城字作長城在縣北一十五里又西北流逕東西二  
 太太字疑婁故城門北合一水水有五源咸出隴山  
 西東水發源縣西南一十六里湫淵淵在四山中  
 湫水北流西北出長城北與次水會水出縣西南

四十里長城西山中北流逕魏行宮故殿東又北  
 次水注之出縣西南四十里山中北流逕行宮故  
 殿西又北合次水水出縣西南四十八里東北流  
 又與次水合水出縣西南六十里醜陽山謝兆申  
云宋本  
 陽山作酸東北流左會右水總爲一川東逕西婁北東  
 注若水段頰爲護羌校尉於安定高平若水討先  
 零斬首八千級於是水之上若水又北與石門水  
 合水有五源東水導源高平縣西八十里西北流  
 次水注之水出縣西百二十里如州泉東北流右  
 入東水亂流左會三川參差相得東北同爲一川





新秦地名見後  
河大東曰逕河  
方縣故城東北  
中下所謂新秦

混濤歷峽峽即隴山之北垂也謂之石門口水曰石門水在縣西北八十餘里石門之水又東北注高平川川水又北自延水注之西出自延谿東流歷峽謂之自延口縣之西北一百里又東北逕延城南東入高平川川水又北逕廉城東按地理志曰北地有廉城縣闕駟言在富平北自昔匈奴侵漢新秦之上率為狄場故城舊壁盡從故目地理淪移不可復識當是世人誤證也川水又北若水注之水發縣東北百里山流注高平高平又北逕三水縣西肥水注之水出高平縣西北二百里牽

水經注箋卷第三

漢 桑欽撰 後魏酈道元 注  
明 李長庚訂 孫汝澄  
朱謀埠箋 李克家全校

河水三

河水又北過北地富平縣西


河側有兩山相對水出其間即上河峽世謂之為

青山河水歷峽北注枝分東出

河水又北逕富平縣故城西

秦置北地都尉治縣城王莽名郡為威戎縣曰特

穆文寫鄒邦義



新秦地名見後  
河大東曰逕河  
方縣故城東北  
中下所謂新秦

混濤歷峽峽即隴山之北垂也謂之石門口水曰石門水在縣西北八十餘里石門之水又東北注高平川川水又北自延水注之西出自延谿東流歷峽謂之自延口縣之西北一百里又東北逕延城南東入高平川川水又北逕廉城東按地理志曰北地有廉城縣闕駟言在富平北自昔匈奴侵漢新秦之上率為狄場故城舊壁盡從故目地理淪移不可復識當是世人誤證也川水又北若水注之水發縣東北百里山流注高平高平又北逕三水縣西肥水注之水出高平縣西北二百里牽

水經注箋卷第三

漢 桑欽撰 後魏酈道元 注

明 李長庚訂 孫汝澄

朱謀埠箋 李克家全校

河水三

河水又北過北地富平縣西


河側有兩山相對水出其間即上河峽世謂之為


青山河水歷峽北注枝分東出

河水又北逕富平縣故城西

秦置北地都尉治縣城王莽名郡為威戎縣曰特

穆文寫鄒邦義





薄字上管有遲  
字此句是注非  
經也

武漢地志建武中曹鳳字仲理為北地太守政化  
尤異黃龍應於九里谷高臨亭角長三尺大十圍  
稍至十餘丈天子嘉之賜帛百匹加秩中二千石

河水又北薄骨律鎮城  
城在河渚上赫連果城也桑果餘林仍列洲上但  
語出戎方不究城名訪諸耆舊咸言故老宿彥言  
赫連之世有駿馬死此取馬色以為邑號故目城  
為白口騮韻之謬謂字下當有轉字謂白遂仍今  
稱所未詳也

河水又逕典農城東

世謂之胡城又北逕上河城東世謂之漢城薛瓚  
曰上河在西河富平縣即此也馮參為上河典農  
都尉所治也

河水又北逕典農城東

俗名之為呂城皆參所屯以事農宋本農下有  
有一毗字

河水又東北逕廉縣故城東

王莽之西河亭地理志曰卑移山在西北

河水又與北枝津宋本津下  
一合字

水受大河東北逕富平城所在分裂以溉田圃北  
流入河今無水爾雅曰灇及入言河決復入者也

此河水又北二句疑  
是注文

脫合字則與字不  
可通矣

河之有漚若漢之有潛也

河水又東北逕渾懷郭西

地理志曰渾懷都尉治塞外者也太和初三齊平

徙歷下民居此遂有歷地之名矣南去北城三百

里漢志渾懷都尉治在北平此北城誤當作北平

河水又東北歷石崖山西

去北城城亦當作平五百里山石之上自然有文盡若

戰馬之狀粲然成著當作頗似圖畫類似圖焉故亦謂之

畫石山也

又北過朔方臨戎縣西

河水東北逕三封縣故城東漢武帝元狩三年置

十三州志曰在臨戎縣西一百三十里

河水又北逕臨戎縣故城西

元朔五年立舊朔方郡治王莽之所謂推武也

河水又北有枝渠東出謂之銅口東逕沃野故城南


漢武帝元狩三年立王莽之綏武也枝渠東注以


溉田所謂智通在我矣

河水又北屈而為南河出焉河水又北迤西溢於麻

潭縣故城東

漢武帝元朔二年開朔方郡治又有西部都尉治





有道自縣西北出雞鹿塞王莽更郡曰溝搜縣曰  
極武其水積而為屠申澤澤東西一百二十里故  
地理志曰屠申澤在縣東即是澤也闕駟謂之渾  
澤矣屈從縣北流

河水又屈而東流為比河東逕高闕南

史記趙武靈王既襲胡服自代並陰山下至高闕  
為塞山下有長城長城之際連山刺天其山中斷

兩岸雙闕善能雲舉望若闕焉節狀表目大事記注引此

作峩然雲舉望若闕焉即狀表目故有高闕之名也自闕北出荒

中闕口有城跨山結局謂之高闕戍直古迄今事大

作即為是呂氏  
當自有善本耳  
此是後羌

記引此作常置重障以防塞道漢元朔四年衛青

將十萬人敗右賢王於高闕即此處也河水又東

逕臨河縣故城北漢武帝元朔三年封代恭王子

劉賢為侯國王莽之監河也漢武帝元朔二年大

將軍衛青絕梓嶺梁北河是也至河日縣西前漢地志


云河日縣屬五原郡

河水自臨河縣東逕陽山南

漢書注曰陽山在河北指此山也東流逕石跡阜

西是阜破石之文悉有鹿馬之跡故斯阜納稱焉

南屈逕河日縣左北假地名也自高闕以東夾山



帶河陽山以去

謝兆申云宋本作陽山以西

皆北假也史記曰

秦使蒙恬將十萬人北擊胡度河取高闕據陽山北假中是也北河又南合南河上承西河東逕臨戎縣故城北又東逕臨河縣南又東逕廣牧縣故城北有東部都尉治王莽之鹽官也逕流二百許里東會于河

河水又南逕馬陰山西

漢書音義曰陽山在河北陰山在河南謂是山也而即實不在河南史記音義曰五原安陽縣北有馬陰山今山在縣北言陰山在河南又傳疑之非

也余按南河北河及安陽縣以南悉沙阜耳無他異山故廣志曰朔方郡北移沙七所而無山以擬之是議~~志~~之僻也陰山在河東南則可矣

河水又東南逕朔方縣故城東北

詩所謂城彼朔方也漢元朔二年大將軍衛青取河南地為朔方郡使校尉蘇建築朔方城即此城也王莽以為武符者也按地理志云金連鹽澤青

鹽澤並在縣南矣

前漢地志朔方縣有金連鹽澤青鹽澤皆在南

又按魏

土地記曰縣有大鹽池其鹽大而青白名曰青鹽又名戎鹽入藥分漢置典官鹽池去平地

平地疑作平城

方平城恐不在朔

舊說以北發為國名者非是

宮千二百里在新秦之中服虔曰新秦地名在北  
方千里如淳曰長安以北朔方以南也薛瓚曰秦  
逐匈奴收河南地徙民以實之謂新秦也屈南過  
五原西安陽縣南

河水自朔方東轉逕渠搜縣故城北

地理志曰朔方有渠搜縣中部都尉治王莽之溝  
搜亭也禮三朝記曰北發渠搜南撫交阯此與北  
對南禹貢之所云析支渠搜矣河水又逕西安陽  
故城王莽更之曰鄯安矣河水東逕田辟城南地  
理志曰故西部都尉治也屈東過九原縣南

河水又東逕成宜縣故城南

王莽更曰艾虜也

河水又東逕原亭城南


闕駟十二州志曰中部都尉治

河水又東逕宜梁縣之故城南

闕駟曰五原西南六十里今世謂之石崖城

河水又東逕稠陽城南稠陽舊本作副陽

東部都尉治逕河陰縣故城北又東逕九原縣故  
城南秦始皇置九原郡治此漢武帝元朔二年更  
名五原也王莽之獲降郡成平縣矣西北接對一



城蓋五原縣之故城也王莽之填河亭也竹書紀

年云魏襄王十七年邯鄲命吏大夫奴遷于九原

又命將軍大夫適子伐吏皆貂服矣今竹書紀年作適子代史

皆貂服趙策武靈王曰吾國自常山以至代上黨東有燕東胡西有樓煩秦韓之邊而無騎射之備故寡人變服

騎射以備邊其城南面長河北背連山秦始皇逐

匈奴並河以東屬之陶山築亭鄣為河上塞徐廣

史記音義曰陶山在五原北即此山也始皇二十

四年起自臨洮東暨遼海西並陰山築長城及南

越地晝警夜作民勞怨苦故楊泉物理論曰秦始皇

皇使蒙恬築長城死者相屬民歌曰生男慎勿舉

生女哺用餽不見長城下尸骸相支柱其冤痛如

此矣蒙恬臨死曰夫起臨洮屬遼東城塹萬餘里

不能不絕地脉此固當死也

又東過臨沃縣南

王莽之振武也

河水又東枝津出焉河水又東流石門水南注之


水出石門山地理志曰北出石門鄣即此山也西

北趣光祿城甘露三年呼韓邪單于還詔遣長樂

衛尉高昌侯董忠車騎都尉韓昌等將萬六千騎

送單于居幕南堡光祿徐自為所築城也故城得

堡保





其名矣城東北即懷朔鎮城也其水自鄯東南流逕臨沃城東南注于河

河水又東逕稠陽縣故城南

王莽之固陰也地理志曰自縣北出石門鄯前漢地理志

鄯得光祿城河水決其西南隅又東南枝津

注焉水上承大河於臨沃縣東流七十里北溉出

南北二十里注于河

河水又東逕塞泉城南而東注又東過雲中積陵縣

南又東過沙南縣北從縣東屈南過沙陵縣西

大河東逕咸陽縣故城南王莽之賁武也

河水屈而流白渠水注之

水出塞外西逕定襄武進縣故城北西部都尉治

王莽更名伐蠻世祖建武中封趙慮為侯國也白

渠水西北逕成樂北郡國志曰成樂故屬定襄也

魏土地記曰雲中城東八十里有成樂城今雲中


郡治一名石盧城也白渠水又西逕魏雲中宮南

魏土地記曰雲中宮在雲中故城東四十里白渠

水又西南逕雲中故城南故趙地虞氏記云趙侯


自五原河曲築長城東至陰山又於河西造大城

一箱崩不就乃改卜陰山河曲而禱焉畫見羣鵠




遊於雲中徘徊經日見大火一作光在其下武侯曰此為我乎乃即於其處築城今雲中城是也秦始皇十三年立雲中郡縣曰遠服矣白渠水又西北逕沙陵縣故城南王莽之希恩縣也其水西注沙陵湖又有芒于水出塞外南逕鍾山山即陰山故郎中侯應言於漢曰陰山東西千餘里單于之苑圍也自孝武出師攘之於漠北匈奴失陰山過之未嘗不哭謂此山也其水西南逕武卑縣王莽之永武也又南逕原陽縣故城西又西南與武泉水合其水東出武泉縣之故城西南縣即王莽之所

謂順泉者也水南流又西屈逕北輿縣故城南按地理志曰五原有南輿縣王莽之南利也故此加北舊中部都尉治十三州志曰廣陵有輿故此加北疑太疎遠也其水又西南入芒于水西南逕白道南谷口有長城在右側帶長城背山面澤謂之白道南谷口有城自城北出有高阪謂之白道嶺公路惟土穴出鼻把之不窮余每讀琴操見琴慎相和雅歌錄云飲馬長城窟及其拔陟斯途遠懷古事始知信矣非虛言也顧瞻左右山嶽謝朓申云宋本椒作山之上有垣若頽基焉公路百嶺東西無極疑



趙武靈王之所築也。芒于水又南，西逕雲中城北。白道中谿水注之，水發源武川北塞中，其水南流逕武川鎮城，以景明中築以禦北狄矣。其水西南流歷谷逕魏帝行宮東，世謂之阿計頭殿，宮城在白道嶺北阜上，其城員角而不方，四門列觀，城內唯臺殿而已。其水又西南歷中谿，出山西南流於雲中城北，於雲中城北南注芒于水。芒于水又西塞水出懷朔鎮東北芒中，南流逕廣德殿，西山下余以太和十八年從高祖北巡，屆於陰山之講武臺。臺之東有高祖講武碑，碑文是中書郎高聰之辭。

也。自臺西出南上山，山無樹木，唯童阜耳。即廣德殿所在也。其殿四柱兩厦，堂宇綺栱，圖畫奇禽異獸之象。殿之西北，便得焜煌堂，雕楹鏤桷，取狀古之温室也。其時帝幸龍荒，遊鸞朔北，南秦王仇池楊難當捨蕃委誠，重譯拜關，陛見之所也。故殿以廣德為名。魏太平真君三年，刻石樹碑，勒宣時事。碑頌云：肅清帝道，振攝四荒，有蠻有戎，自彼氐羌，無思不服。重譯稽顙，恂恂南秦，歛歛推亡，蛾蟻廣德，奕奕焜煌。侍中司徒東郡公崔浩，浩字謨，清河之辭也。碑陰題宣城公李孝伯尚書盧遵等從臣姓。



觀脉水尋經之語作南為是

河水南入慎陵縣西北  
名若新鏤焉其水歷谷南出陰山西南入芒于水  
芒于水又西南注沙陵湖湖水西南入于河

緣胡山歷沙南縣東北兩山二縣之間南一作出

余以太和中為尚書郎從高祖北巡親所逕涉縣

在山南王莽之積陸也北去雲中城一百二十里

縣南六十許里有東西大山山西枕河河水南流

脉水尋經殊乖川去之次似非關究也

又南過赤城東又南過定襄桐過縣西

定襄郡漢高六年置王莽之得降也桐過縣王莽

更名椅桐者也

河水於二縣之間濟有君子之名

昔漢桓帝十三年西幸榆中東行代地洛陽大賈

齎金貨隨帝後行夜迷失道往投津長日子封御覽有

引此無日子封三字堯疑送之渡河賈人卒死津

長埋之其子尋求父喪發冢舉尸資費一無所損

其子悉以金與之津長不受事聞于帝兩帝字曰


君子也即名其津為君子濟濟在雲中城西南二

百餘里

河水又東南左合一水

細尋此二語亦當為注非徑文也

貨字通鑑注



水出契吳東山西逕故里南而北俗謂之契吳亭其水又西流注于河

河水又南樹頽水注之

水出東山西南流右合中陵川水水出中陵縣

黃本缺一字吳本補作東字謝兆申云宋本作西字南山下北俗謂之大浴

山其水亦取名焉東北流逕中陵縣故城東北俗

謂之北右突城王莽之遮害也十三州志曰善無

縣南七十五里有中陵縣世祖建武二十五年置

其水又西北右合一水水自東山北俗謂之貸敢

山水又受名焉其水自西北流注于中陵水又西

北流逕善無縣故城西王莽之陰館也十三州志

曰舊定襄郡治地理志曰鴈門郡治其水又西北

流又會一水水出東山下北俗謂之吐文水山又

取名焉北流逕鋤亭南西流土壁亭南西出峽左

入中陵水水又北分爲二水一水東北流謂之流


水又東逕沃陽縣坎城南李克家云坎城當作故城北俗謂之

可不湓城王莽之敬陽也又東北逕沃陽城東又

東合可不湓水出東南六十里山下西北流注沃

水又會東逕叅合縣南魏因叅合陁以即名也北

俗謂之倉鶴陁道出其中亦謂之叅合口經在縣



在城北

之西北即燕書所謂太子寶自河還師參合三軍  
 奔潰即是處也魏立縣以隸涼城郡也西去沃陽  
 縣故城二十里縣北十里有都尉城地理志曰沃  
 陽縣西部都尉治者也北俗謂之阿養城其水又  
 東合一水水出縣東南六十里山下北俗謂之災  
 豆渾水西北流注于沃水又東北流注鹽池地理  
 志曰鹽澤在東北者也今鹽池西南去沃陽故城  
 六十五里池水激渟淵而不流東西三十里南北  
 二十里池北十里即涼城郡注注疑池西有舊城  
 俗謂之涼城也郡取名焉地理志曰澤有長丞漢地

地理志沃陽注云鹽澤在縣東北有長丞此城即長丞所治也城西三

里有小阜阜下有泉東南流注池北俗謂之大谷

此佳此佳二字疑誤水亦受目焉中陵川水自枝津西北

流右合一水於連嶺北出沃陽縣東北山下北俗

名之為伏真山水曰誥升袁河袁河當作綠河西南流逕


沃陽縣左合中陵川亂流西南與一水合北俗謂

之樹頽水水出東山下西南流右合誥升袁水亂

流西南注分為二水左水枝分南出北俗謂之太

河羅孫云太河羅當作太羅河右水西逕故城南北俗名之昆

新城其水自城西南流注于河



河水又南太羅水注之


水源上承樹頽河南流西轉逕武縣故城南十三  
州志曰武縣在善無西百五十里北俗謂之太羅  
城水亦藉稱焉其水西南流右水注之水導故城  
西北五十里南流逕城西北名之曰故槃迴城又  
南流注太羅河太羅河又西南流注于河  
河水又左得滴水口

水出西河郡美稷縣東南流東觀記曰郭伋細侯  
郭伋下當  
作字細侯為并州牧前在州素有恩德老小相攜  
道路行部到西河美稷數百小兒各騎竹馬迎拜

古人師字似師  
故轉寫而記

伋問兒曹何自遠來曰聞使君到喜故迎伋謝爾  
發去諸兒復送郭外問使君何日還伋計日告之  
及還先期一日念小兒即止野亭須期至乃往其  
水又東南流羌人因水以氏之漢冲帝時羌滴狐  
奴歸化蓋其渠師師當  
作帥也其水俗亦謂之為遄波  
水東南流入長城東鹹水出長城西鹹谷東入滴  
水又東南渾波水出西北窮谷東南流注于滴水  
滴水又東逕西河富昌縣故城南王莽之富成也  
滴水又東流入于滴水左合一水出善無縣故城  
西南八十里其水西流歷于呂梁之山而為呂梁

沈本註



TIFFEN Color Control Patches © The Tiffen Company, 2007

洪其巖層岫行古本作巖層岫行澗曲崖深巨石

崇竦壁立千仞河流激盪濤湧波襄雷濟雲一作電

洩震天動地曰當昔呂梁未闢河出孟門之上蓋

大禹所闢以通河也司馬彪曰呂梁在離石縣西

今於縣西歷山尋河乃無過岨過岨字為至是乃

為巨嶮即古梁矣在離石北以東可二百有

餘里

又南過西河音陽縣東

西河郡漢武帝元朔四年置王莽改曰歸新音水

出上郡白土縣音閻谷東逕其縣南地理志曰閻水

出西東入河前漢志上郡有白土縣閻水出其

也王莽更曰黃土也東至長城與神御古本作

水合水出縣南御山峽山東出至長城入于閻

水又東逕鴻門縣故鴻門亭地理風俗記曰閻

陰縣西五十里有鴻門亭天封宛火井廟火從地


中出漢地志云鴻門縣有天封苑火井祠火從閻

水又東梁水注之水出西北梁谷東南流注閻水

又東逕閻陰縣北漢惠帝五年立王莽改曰方陰

矣又東桑谷水注之水出西北桑谿東北桑谿東

北流入于閻閻水又東逕閻陰南東流注于河





河水又東端水入焉

水西出號山山海經曰其山木多漆櫟其草多芎

窮是多冷石按西山經云諸次山北百八十里曰

是多冷石郭注端水出焉而東流注于河

河水又南諸次之水入焉

水出上郡諸次山山海經曰諸次之山諸次水出焉

孫云按山海經諸次之山諸次之水出焉是山多木無草鳥獸莫居是

多衆蛇其水東逕榆林塞世又謂之榆林山即漢

書所謂榆谿舊塞者也自谿西去悉榆林之藪矣

緣歷沙陵屈龜茲縣西出故謂廣長榆也王恢云

樹榆為塞謂此矣蘇林以為榆中在上郡非也

始皇本紀西北逐匈奴自榆中並河以東屬之陰

山然榆中在金城東五十許里陰山在朔方東以

此推之不得在上郡漢書音義蘇林為是失也其

水東入長城小榆林水合焉歷源西北古本作歷

窮谷其源也又東合首積水西出首積谿谿東注


諸次水又東入于河山海經曰諸次之水東流注

于河即此水也

河水又南湯水注之

山海經曰水出上申之山上無草木而多礪石下

湯水注之



注柳林沈本


沈本歷

多榛楛湯水出焉東流注于河也

又南離石縣西奢延水注之

水西出奢延縣西南赤沙阜東北流山海經曰所謂生水出孟山者也郭景純曰孟或作明漢破羌將軍段熲破羌於奢延澤虜走洛川洛川在南俗因縣土謂之奢延水又謂之朔水矣東北流逕其縣故城南王莽之奢節也赫連龍昇七年於是水之比黑水之南遣將作大匠梁公叱于阿梨改築大城名曰統萬城蒸土加功雉堞雖久崇墉若新并造五兵器銳精利乃成百鍊為龍雀大鐸號曰


大夏龍雀銘其背曰古之利器吳楚湛盧大夏龍雀名冠神都可以懷遠可以柔逋如風靡草威服九區世甚珍之又鑄銅為大鼓及飛廉翁仲銅駝龍虎皆以黃金飾之列於宮殿之前則今夏州治也奢延水又東北與溫泉合源西北出沙谿而東南流注奢延水奢延水又東黑水入焉出奢延縣黑澗漳云當作奢延水又東與黑水合黑水出奢延縣黑澗謝冰申云按宋本黑水入焉水出奢延縣黑澗宋刻本無焉水二字東南歷沙陵注奢延水奢延水又東合交蘭水出龜茲交蘭谷東南流注奢延水奢延水又東北流與鏡波水合水源出南邪山南




谷東北流注于奢延水奢延水又東逕膚施縣帝  
 原水西北出龜茲縣東南流縣因處龜茲降胡著  
 稱又東南注奢延水又逕膚施縣南秦昭王三年  
 置上郡治漢高祖并三秦復以為郡王莽以漢馬  
 員為增山連率歸世祖以為上郡太守司馬彪曰  
 增山者上郡之別名也東入五龍山地理志曰縣  
 有五龍山也帝原水自下亦為通稱也按漢地志  
縣有五龍山帝原水陽周縣橋山歷長城東出于  
有黃帝塚而西河自有增山縣  
 赤翟白翟之中又有年水謝兆申云年水出西北  
 平谿東南入奢延水又東走馬水注之水止謝云

沈本平

誤當西南長城北陽周縣故城南橋山昔二世賜  
作出蒙恬死於此王莽更名上陵時山上有黃帝塚故  
 也帝崩惟弓劍存焉故世稱黃帝仙矣其水東流  
 昔段熲追羌出橋門至走馬水聞羌在奢延澤即  
 此處也後漢書段熲追羌出橋門至走馬水上尋  
聞虜在奢延澤乃將輕兵兼行一日一夜  
二百門即橋山之長城門也始皇令太子扶蘇與  
 蒙恬築長城起自臨洮至于碣石即是城也其水  
 東北流入長城又東北注奢延水又東與白羊水  
 合其水出于西南白羊谿逕谿東北注于奢延水  
 奢延水又東入于河山海經曰生水東流注于河





河水又南陵水注之

水出陵川北谿南逕其川西轉入河

河水又南得離石水口

離石北山上當有水出二字

離石北山南流逕離石縣故城西史記云秦昭王

伐趙取離石者也漢武帝元朔三年封代共王子

劉緡為侯國後漢西河郡治也其水又南出西轉

逕隰城縣故城南漢武帝元朔三年封代共王子

劉忠為侯國王莽之慈平亭也胡俗語訛尚有千

城之稱其水西流注于河也

又南過中陽縣西

平疑作平

中陽縣故城在東東翼汾水隔越重山不濱于河

也孫云中南疑作中陽

又南過土軍縣西

皆疑作音

吐京郡治故城即土軍縣之故城也胡漢譯言皆

訛偽變矣其城員長而不方漢高帝十一年以封

武侯宣義為侯國縣有龍泉出城東南道左山下

牧馬川上多產名駒駿同滇池元河元下脫馬字其水

西北流至其城東南土軍水出道左高山西南注

之龍泉水又北屈逕其城東西北入于河

傍谿東入窮谷其源也又南至祿谷水口水源東窮此谿也

河水又南得大蛇水

發源谿首西流入河

河水又南又納辱水

舊本作河水又右納辱水

山海經曰辱水出于鳥山其上多桑其下多楮陰

多鐵陽多玉其水東流注于河俗謂之秀延水東

流得浣水口傍谿西轉窮谿便即浣水之源也延

水又東會于根水西南谿下根水所發而東北注

延水東南露跳水西出露谿東流又東北入延水

亂流注于河河水又南左合信支水水發源東露

西流入于河河水又南左會石羊水巡谿東入道

源窮谷西流注入河

又南過上郡高奴縣東

域谷水東啓荒源西歷長谿西南入于河水又南


合谿口水出孔山南歷谿西流注于河孔山之上

有穴如車輪三所東西相當相去各二丈許南北

直通故謂之孔山也山在蒲城孫云蒲城當作蒲城西南三

十餘里河水又右會區水山海經曰次四經之首

曰陰山西北百七十里曰申山其上多穀柞其下




多柎榘多金玉區水出焉而東流注于河世謂之  
清水上郡東流入于長城逕老人山下又東北流  
至老人谷傍水北出極谿便得水源清水又東得  
龍尾水口水出北地神泉鄣北山龍尾谿東北流  
注清水又東會三湖水水出南山三湖谷東北流  
入清水清水又東逕高奴縣合豐林水地理志謂  
之洧水也故言高奴縣有洧水肥可難難古  
燃字水上  
有肥可接取用之博物志稱酒泉延壽縣南山出  
泉水大如筥注地爲溝水有肥如肉汁取著器中  
始黃後黑如凝膏然極明與膏無異膏車及水碓

缸甚佳彼方人謂之石漆水肥亦所在有之非止  
高奴縣洧水也項羽以封董翳爲翟王居之三秦  
此其一也漢高祖破以縣之王莽之利平矣民俗  
語訛謂之高樓城也豐林川長津瀉注北流會洧  
洧水又有谿谷水注之水西出奚川東南流入洧  
水又東注于河

河水又南蒲川石樓山南逕蒲城東

卽重耳所奔之處也又南歷蒲子縣故城西今大  
魏之汾州治徐廣晉紀稱劉淵自離石南移蒲子  
者也闕駟曰蒲城在西北谿武置谿舊作溪宋本  
作漢武下脫



水經注箋卷第三


口東出歷蒲子城南東北入谷極谿便水之源也  
 又南合紫川水水出東北出紫川谷西南合江水  
 江水出江谷西北入紫水紫水又西北入蒲水蒲  
 水又西南入于河水河水入南黑水水出定陽縣  
 西山二源奇發同瀉一壑東南流逕其縣北又東  
 南流右合定水俗謂之白水也水西出其縣南山  
 定水谷更逕定陽縣故城南應劭曰縣在定水之  
 陽也定水又東注于黑水亂流東南入于河




水經注

卷三

三

帝字漢志蒲子縣屬河東應劭云即蒲坂舊邑漢武帝置其水南出得黃廬水












國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





水經注箋卷第四

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

河水四

河水又南過河東北屈縣西


河水南逕北屈縣故城西十里有風山上有穴如


輪風氣蕭瑟習常不止當其衝飄也而略無生草

事類賦引此作當其衝所略無生草蓋不定御覽引此作衆風之門

故也風山西四十里河南孟門山山海經曰孟門

國家圖書館, NATIONAL CENTRAL LIBRARY, TAIWAN, R.O.C.





之山其上多金玉其下多黃堊涅石淮南子曰龍門未闢呂梁未鑿河出孟門之上大溢逾流無有丘陵高阜滅之名曰洪水大禹疏通謂之孟門故穆天子傳曰北登孟門九河之蹻孟門即龍門之上口也實謂黃河之巨阨兼孟津之名矣此石經始禹鑿河中漱廣夾岸崇深傾崖返捍巨石臨危若墜復倚古之人有言水非石鑿而能入石信哉其中水流交衝素氣雲浮往來遙觀者常若霧露沾人窺深悸魂其水尚崩浪萬尋縣流千丈渾洪轟怒鼓若山騰濤波頽疊迄于下口方知慎子下

龍門流浮竹非駟馬之追也

慎子云河下龍門流映竹箭駟馬追之

及不又有燕完水注之異源合舍西流注河

河水又南得鯉魚

歷澗東入窮溪首便其源也爾雅曰鱣鮪也出鞏

穴三月則上渡龍門得渡為龍矣否則點額而還

非夫往還之會何能便有茲稱乎

河水又南羊求水入焉

東出羊求川西逕北屈縣故城南城即夷吾所奔

邑也王莽之朕北也汲郡古文曰翟章救鄭次于

南屈應劭曰有南故加北國語曰一五言於獻公

鯉魚下宜有脫字

漢書地理志丹陽郡有銅官食貨志注中赤金丹楊銅者即指此道元誤以是山當之耳

水經注

卷四

三百五

曰左傳云晉獻公外嬖梁五與蒲與二屈君之疆也其水西流注于河

河水又南為採桑津

春秋僖公八年晉里克敗狄于採桑是也

又南過皮氏縣西

赤水出西北罷谷川東謂之赤石川東入于河

河水又南合蒲水

西則兩源並發俱導一山出西河陰山縣王莽之

山寧也陰山東麓南水東北與長松水合水出西

三陽山東東北流左入蒲水蒲水又東北與北溪

會同為一川東北注河

河水又南逕丹水西南

丹陽山東北逕冶東俗謂之丹陽城城之左右猶

有遺銅矣

漢書食貨志注云金有三品丹陽銅為赤金神異經云丹陽銅似金可煨以作

錯塗之器其水東北會白水口水出丹山東而西北注

之丹水又東東北入河

河水又南黑水注之

宋本鈔本俱無注之二字

西出丹山東而東北入于河

河水又南至嶧谷傍


東北窮澗水源所導也西南流注于河

水經注

卷四

三

揭文華



河水又南洛水自獵山枝分東派東南注于河大河  
 昔魏文侯築館洛陰指謂是水也皮氏縣王莽之  
 延平也故城在龍門東南不得延逕皮氏方屈龍  
 門也

又南出龍門口汾水從東來注之

昔者大禹導河積石疏決梁山謂斯處也即經所  
 謂龍門矣魏土地記曰梁山北有龍門山大禹所  
 鑿通孟津河口廣八十步巖際鑿跡遺功尚存岸  
 上并有廟祠祠前有石碑三所二碑文字紊滅不  
 可復識一碑是太和中立竹書紀年晉昭公元年

河赤于龍門二里

謝朓申云宋本作  
河水赤于龍門

梁惠成王十四

年河水赤于龍門三日京房易妖占曰河水赤下  
 民恨

河水又南右合暢谷水


水自溪東南流逕夏陽縣西北東南注于河

孫云  
史記

秦紀惠文君十一年  
更名少梁曰夏陽

河水又南逕梁山原東

自原山東南出至河晉之望也在馮翊夏陽縣之  
 西臨于河上山崩壅河三日不流晉侯以此問伯  
 宗即處也春秋穀梁傳曰成五年梁山崩遏河



水三日不流召伯尊遇輦者不避使車右鞭之輦者曰所以鞭我者其取道遠矣伯尊因問之輦者曰君親編素率羣臣哭之斯流矣如其言而河流

李克家云伯尊即伯宗聲相轉也

河水又南岨谷水注之


水出縣西北梁山東南流橫溪注之水出于三累山其山層密三成故俗以三累名山按爾雅山三成爲崑丘斯山豈亦崑丘乎山水際有二石室蓋隱者之故居矣細水東流注于岨谷側溪山南有石室面西有兩石室北面有二石室皆因阿結

隳連扁接闕所謂石室相距也東廂石上猶傳梓伯之跡庭中亦有舊宇處尚髣髴前基北坎室上有微涓石溜豐周瓢飲似是栖遊隱學之所昔子夏教西河疑卽此也而無辨之溪水又東南逕夏陽縣故城北故少梁也秦惠文王十一年更從今名矣王莽之冀亭也其水東南流李克家云此下疑脫一注字于河昔韓信之襲魏王豹也以木罌自此渡


河水又南右合陶渠水

水出西北梁山東南流逕漢陽太守殷濟精廬南

舊本作精廬尚謝兆申云宋本作尚在此俗謂之脫一在字也吳本改爲精廬南似誤矣







子夏廟河水又南逕高門南蓋層阜墮缺故流東門之稱矣又東南逕華池南池方三百六十步在夏陽城西北四里許故司馬遷碑文云高門華池在茲夏陽西城北漢陽太守殷濟精舍四里所今高門東去華池三里溪水又東南逕夏陽縣故城南春秋南服虔曰夏陽號邑也在太陽東三十里城南春信公二年虞師晉師滅下陽杜元凱云下陽號邑在河東大陽縣孫按漢志弘農陝縣注故號國在大陽東馮翊夏陽縣注故少梁龍門在北則下又陽夏陽兩地也公羊傳下陽作夏陽服因誤案又歷高陽宮北又東南逕司馬子長墓北墓前有廟廟前有碑永嘉四年漢陽太守殷濟瞻仰遺文大

相錄釋作垣  
疑是桓字謂  
樹表也

其功德遂建石室立碑樹桓太史公自叙曰遷生於龍門是其墳墟所在矣溪水東南流入河昔魏文侯與吳起浮河而下美河山之固即於此也河水又西徐水注之

水出西北梁山東南流逕漢武帝登仙宮東東南流絕疆梁石逕劉仲城北是漢祖兄劉仲之封邑也故徐廣史記音義曰邵陽國名也高祖八年侯劉仲是也孫云邵陽當作邵陽按史記高祖紀代王劉仲棄國亡自歸雒陽廢以為合陽侯去索隱曰合陽屬馮翊其水東南逕子夏陵北東

入河

河入又南逕于夏石室

東南北有二石室臨側河崖即子夏廟室也

又南過汾陰縣西

河水東際汾陰睢縣故城在睢側漢高帝六年封

周昌為侯國魏土地記曰河東郡北八十里有汾

陰城北去汾水三里城西北隅曰睢丘上有后土

祠封禪書曰元鼎四年始立后土祠於汾陰睢丘

是也又有萬歲宮漢宣帝神爵元年幸萬歲宮東

濟大河而神魚舞水矣昔趙簡子沈藥激於此曰

吾好聲色而是子致之吾好士六年不進一人是

過而黜吾善君子以為能謹矣呂氏春秋作樂繼云是長吾過而繼

也吾善

河水又逕郃陽城東

周威烈王之十七年魏文侯伐秦至鄭還築汾陰

郃縣即此城也故有莘邑矣為大姒之國詩云在


郃之陽在渭之涘又曰纘女維莘長子維行謂此

也城北在北澆水南去二水各數里其水東逕其

城內東入于河又於城南側中有澆水東南出城

注于河城南又有澆水東流東注于河水南猶有

文母廟前有碑去城一十五里水即郃水也縣取



名焉故應劭曰在郃水之陽也河水又南漢水入

焉水出汾陰縣南四十里西去河三里平地開源

漢當作泉上湧大幾如輪深則不測俗呼之為漢

魁郭璞爾雅注云汾陰有水口如車輪許清沸涌出其深無限名之為漢古人壅其

流以為陂水種稻東西二百步南北一百餘步與

郃陽漢水夾河中渚上又有一漢水皆相潛通故

呂忱曰爾雅異出同流為漢水其水西南流歷蒲

坂西西流注于河孫云朔坂當作蒲坂

河水又南逕陶城西

舜陶河濱皇甫士安以為定陶不在此也然陶城

在蒲坂城北城即舜所都也南去歷山不遠或耕

或陶所在則可何必定陶方得為陶也舜之陶也

斯或一焉孟津有陶河之稱蓋從此始之南對蒲

津關汲冢竹書紀年魏襄王七年秦王來見于蒲

坂關四月越王使公師隅來獻乘舟始罔及舟三

百箭五百萬犀角象齒焉竹書紀年作越王使公師來獻舟三百箭五百


萬及犀角象齒

又南過蒲坂縣西

地理志曰縣故蒲也王莽更名蒲城應劭曰秦始皇

皇東巡見有長坂故加坂也孟康曰晉文公以賂

家字當作郡  
始罔似舟名



秦秦人還蒲於魏魏人喜曰蒲反矣故曰蒲反也  
 薛瓚注漢書曰秦世家以垣為蒲反然則本非蒲  
 也皇甫謐曰舜所都也或言蒲坂或言平陽及漢  
 者也今城中有舜廟魏秦州刺史治太平遷都罷  
 州置河東郡郡多流離謂之徙民民有姓劉名墮  
 者宿擅工釀採挹河流醞成芳酎懸食同枯枝之  
 年排於桑落之辰故酒得其名矣懸食二語字有  
 譌脫按洛陽伽  
 藍記云河東人劉白墮善釀酒六月中以罌貯酒  
 曝日中經旬酒味不動飲之香美朝貴千里相餉  
 命曰鶴觴齊民要術云十月桑落初凍則收水然  
 釀者為上時春酒正月晦日收水為中時春酒然  
 香醕之色清白若洛漿焉別調氛氳不與侘同蘭

薰麝越自成馨逸方土之貢選最佳酌矣自王公  
 庶友牽拂相招者每云索郎有顧思同旅語索郎

反語為桑落也更為籍微之雋句中書之英談郡

南有歷山也謂之歷觀舜所耕處也有舜井媯汭

二水出焉南曰媯水北曰汭水迺歷山下上有

舜廟周處風土記曰舊說舜葬上虞又記云耕於

歷山而始寧剡二縣界上舜所耕田於山下多柞


樹吳越之間名柞為櫪故曰歷山余按周處此志

為不近情傳疑則可證實非矣安可假木異名附

山殊稱彊引大舜即比寧懷寧字誤當作即比寧  
 懷括地志云河內郡

在寧二得  
 夔既引路史則

通鑑  
 注作  
 選最  
 家為



獲嘉縣有甯城而懷縣亦屬河內又媯州懷戎縣西有舜井路史國名記云陽處父聘衛過甯一作寧則寧懷並地名也更為失誌記之本體差實錄之常經矣

歷山媯汭言是則安於彼乖矣尚書所謂釐降二女於媯汭也孔安國曰居媯水之內王肅曰媯汭虞地名皇甫謐曰納二女於媯水之汭馬季長曰水所出曰汭然則汭似非水名而今見有二水異源同歸渾流西注入于河


河水又南逕雷首山西

山臨大河北去蒲坂三十里尚書所謂壺口雷首者俗亦謂之堯山山上有故城世又曰堯城闕駟

曰蒲坂堯都按地理志曰縣有堯山有祠雷首山在南事有似而非非而是千載眈眈當作非所詳耳

又南涑水注之

水出河北縣雷首山縣北與蒲坂分山有夷齊廟闕駟十三州志曰山一名獨頭山夷齊所隱也山南有古冢陵栢蔚然攢茂丘阜俗謂之夷齊墓其水也西南流亦曰雷水穆天子傳曰壬戌天子至于雷首犬戎胡觴天子於雷首之阿乃獻良馬四六天子使孔牙受之于雷水之干是也穆天子傳良馬作食



馬受之于雷水之平

昔趙盾田首山食祁彌明

左傳作提彌明翳桑

之下即於此也。涑水又西南流注于河。春秋左傳謂之涑川者也。俗謂之陽安澗水。

又南至華陰潼關渭水從西來注之。

汲冢

舊本作汲都乃汲郡之訛吳改作汲冢

竹書紀年曰晉惠公十

五年秦穆公帥師送公子重耳涉自河曲春秋左氏僖公二十四年秦伯納之及河子犯以璧授公子曰臣負羈縶從君巡於天下臣之罪多矣臣猶知之而况君乎請由此亡公子曰所不與舅氏同心者有如白水授璧於此

孫云按左傳有如水子推

哭曰天開公子子犯以為功吾不忍與同位遂逃

焉

河水歷船司空與渭水會

前漢地志船司空縣名屬京兆尹莽改曰船利

漢書地理志曰舊京兆郡之屬縣也左丘明國語

云華嶽本一山當河河水過而曲行河神巨靈手

盪脚蹋開而為兩今掌足之跡仍存華巖


按巨靈事在薛

備得神元之道能造山川出河所謂巨靈鬮鬮首

絲西京賦注引古語云云非左氏國語也此誤記耳

冠靈山者也常有好事之人故升華嶽而觀厥跡

焉自下廟歷列栢南行十一里東廻三里至中祠



又西南出五里至南祠謂之北君祠諸欲升山者  
 至此皆祈請焉從北南入谷七里又屈一祠謂之  
 石養父母石龕木主存焉入南克家云入南出一  
 里至天井井栽容人穴空迂迴傾曲而上可高六  
 丈餘山上又有微涓細水流入井中亦不甚沾人  
 上者皆所由涉更無別路欲出井望空視明如在  
 室窺窓也出井東南行二里峻坂斗上斗下降此  
 坂二里許又復東上百丈崖升降皆須扳繩挽葛  
 而行矣南上四里路到石壁緣傍稍進逕一百餘  
 步自此西南出六里又至一神名曰胡趨寺郭緣生述

經記云西南出六里又至一祠名胡趨寺神像有童子之容從祠南

歷夾嶺廣裁三尺餘兩箱宋本兩箱下有懸字崖數萬仞窺

不見底祀祠有感則雲與之平也宋本無也字然後敢

度猶須騎嶺抽身漸以就進故世謂斯嶺為搦嶺

矣度此二里復屈山頂上方七里靈泉二所一名


蒲池西流注于澗一名太上泉東注澗下上宮神

廟近東北隅其中塞實雜物事難詳載自上宮東

北出四百五十步有屈嶺東南望巨靈手跡唯見

洪崖赤壁而已都無山下上觀之分均矣分均字有譌誤

蓋言山下上觀似有掌足之跡及至上宮而均至掌足處但見洪崖赤壁而已無復分均之跡也唐文



觀此則潼關  
函谷乃一地異  
名耳郡是  
北人不應誤  
也

粹載王涯仙掌辨曰華岳首峯有五崖比壑破巖  
而列自下遠而望之偶為掌形舊俗謂是巨靈之  
跡余征觀焉河在關內南流潼激關山因謂之潼  
誕哉此說乎

關灌水注之水出松果之上北流逕通谷世亦謂

之通谷水東北注于河述征記所謂潼谷水者也

或說因水以名地也河水自潼關東北流水側有

長坂謂之黃巷坂傍絕澗涉此坂以升潼關所謂

沂黃巷以濟潼關矣潘岳西征賦云歷北出東嶠

通謂之函谷關也西都賦云左據函谷二遂岸天

高嶠之阻則此當作東嶠空谷幽深澗道之峽車不方軌號曰天嶮故西

京賦曰巖嶮周固矜帶易守所謂秦得百二并吞

諸侯也秦得百二兩語是張載劔閣銘是以王元說隗囂曰請以

一丸泥東封函谷關圖王不成其弊足霸矣郭緣

生記曰漢末之亂魏武征韓遂馬超連兵此地今

際河之西有曹公壘道來原上云李典營義熙十

三年王師曾據此壘西征記曰汭路逶迤入函道


六里舊城城周百餘步北臨大河南對高山姚氏

置關以守峽宋武王入長安檀道濟王鎮惡或據


山為營或平城結壘為大小七營濱帶河嶮姚氏

亦保據山原阜之上尚傳故跡矣關之直北隔河

有層阜巍然獨秀孤峙河陽世謂之風陵戴延之







所謂風埽者也

風埽御覽引此作風埽又引戴延之西征記云伏羲女嫫風姓也此

當是女嫫之墓九域志云女嫫墓在今潼關口河灘上屹然介河有木數株雖暴漲不漂沒也寰宇記云河東縣三里風陵是女嫫之墓秦漢以來但係祀典南則河濱姚氏之營

與晉對岸

河水又東北玉澗水注之

水南出玉溪北流逕皇天原西周固記開山東首

上平博方可里餘三面壁立高千許仍漢世祭天

於其上名之為皇天原上有漢武帝思子臺又北

逕閿鄉城西郡國志曰弘農湖縣有閿鄉後漢郡國志弘

農湖縣世謂之閿鄉水也魏尚書僕射閿鄉侯

河東衛伯儒之故邑魏志云衛覬字伯儒文節侯官尚書封陽吉亭侯明帝即

位進封閿鄉侯三百戶閿音聞其水北流注于河

河水又東逕閿鄉侯河東與全鳩澗水合孫云侯河當作城南

水北南山北逕皇天原東述征記曰全節地名也

圖經云全節即漢書全鳩里庚太子死處在閿鄉縣東十里鳩澗西其西名桃原古

之桃林周武王克殷休牛之地矣西征賦曰咸徵

名於桃園者也晉太康地記曰桃林在閿鄉南谷

中其水入北河注于河孫云北河疑作河也北蓋謂河北縣也

又東過河北縣南

縣與湖縣分河蓼水出襄山蓼谷西南流于河

河水又東永樂澗水注之

水北出于薄山南流逕河北縣故城西故魏國也  
晉獻公滅魏以封畢萬卜偃曰魏大名也萬後其  
昌乎後乃縣之在河之北故曰河北縣也今城南  
西二面並去大河可二十餘里北去首山一十許  
里處河山之間土地迫隘故魏風著十畝之詩也  
城內有龍泉南流出城又南斷而不流永樂溪水  
又南入于河余按中經卽渠豬之水也太史公封  
禪書稱華山以西名山七薄山有其一焉薄山卽  
襄山也徐廣曰蒲坂縣有襄山山海經曰蒲山之

首曰其桑之山

今山海經作其桑之山指地志云蒲州河東縣雷首山一名中條山

一名歷山亦名首陽山亦名蒲山一名襄山亦名其桑山亦名豬山其水出焉而西

流注于河東則渠豬之山渠豬之水出焉而南流

注于河如準封禪書二水無西南流河之理今診

蓼水川流所趣與其水相扶永樂溪水導源注于


河又與渠豬勢合蒲山統目總稱亦與襄山不殊

故楊雄河東賦曰河靈覆陽掌華蹈襄注云襄山

在潼關北十餘里以是推之知襄山在蒲坂蓼水

卽渠豬之水也


河水自河北城南東逕芮城



二城之中有段干木塚干木晉之賢人也魏文侯  
 過其門軾其廬所謂德尊萬古芳越來今矣汲冢  
 竹書紀年曰晉武功功當元年尚一軍芮人乘京  
 荀人董伯皆叛匪道大荔故芮也此亦有焉紀年  
 又云晉武公七年芮伯萬之母芮姜逐萬萬出奔  
 魏八年周師虢師圍魏今竹書取芮伯萬而東之  
 九年戎人逾芮伯萬于邾斯城亦或伯萬之故畫  
 也畫字誤疑  
 是疆字  
 河水又會槃澗  
 水出湖縣夸父山北逕漢武帝思子宮歸來望子  
 臺東又北流入于河

河水又東逕湖縣故城北

昔范叔入關遇穰侯於此矣湖水出桃林塞之夸  
 父山廣員三百仞武王伐紂天下既定王及嶽濱  
 王及嶽濱字誤當作王巡嶽濱周頌時邁所謂及河喬嶽是也放馬華陽散牛桃  
 林卽此處也其中多野馬造父於此得驊騮綠耳  
 盜驪之乘以獻周穆王使之馭以見西王母湖水  
 又北逕湖縣東而北流入于河魏土地記曰弘農  
 湖縣有軒轅黃帝登仙處黃帝採首山之銅鑄鼎  
 於荆山之下有龍垂胡於鼎黃帝登龍從登者七




十人遂昇於天故名其地爲鼎湖荆山在馮翊首  
山在蒲坂與湖縣相連晉書地道記太康記並言  
胡縣也漢武帝改作湖俗云黃帝自此乘龍上天  
也地理志曰京兆湖縣有周天子祠二所故曰湖  
不言黃帝升龍也山海經曰西九十里夸父之山  
其木多椶櫚多竹箭其陽多玉其陰多鐵其北有  
林焉名曰桃林其中多馬湖水出焉北流注于河  
故三秦記曰桃林塞在長安東四百里若有軍馬  
經過好行則牧華山休息林下惡行則決河漫延  
人馬不得過矣

泗水又東合柏谷水

水出弘農縣兩石隄山山下有石隄祠銘云魏其  
露四年散騎常侍征南將軍豫州刺史領弘農太  
守南平公之所經建也其水北流逕其亭下昔公  
子重耳出亡及柏谷卜適齊楚狐偃曰不如之翟  
漢武帝嘗微行此亭見饋亭長妻故潘岳西征賦  
曰長徵客於柏谷今西征賦作長傲賓於柏谷妻靚貌而獻餐  
謂此亭也谷水又北流入于河


河水又東右合門水

門水卽洛水之枝流者也洛水自上洛縣東北於



拒城之西北分為二水枝渠東北出為門水也門  
 水又東北歷陽華之山即華陽山海經所謂陽華  
 之山門水出焉者也又東北歷峽謂之鴻關水東  
 有城即關亭也水西有堡謂之鴻關島世亦謂之  
 劉項裂地處非也余按上洛有鴻臚園池是水津  
 渠泂注故謂斯川為鴻臚澗鴻關之名乃起是矣  
 門水又東北歷邑川燭水注之左水出于陽華之  
 陽東北流逕盛墻亭西東北流與右水合右水出  
 陽華之陰東北流逕盛墻亭東北與左水合即山  
 海經所謂緒茹之水出于陽華之陰東北流注于

門水者也又東北燭水注之水有二源左水南出  
 于衡嶺世謂之石城山其水東北流逕石城西東  
 北合右水右水出石城山東北逕石城東東北入  
 左水地理志曰燭水出衡嶺下谷開山圖曰衡山  
 在函谷山西南是水亂流東注于緒茹之水二水  
 悉得通稱矣歷澗東北出謂之關方口水側有阜  
 名之方伯堆宋奮武將軍魯方平建威將軍薛安  
 都等與建威將軍柳元景北入軍次方伯堆者也  
 堆上有城即方伯所築也宋書元嘉二十七年大  
舉北侵柳元景東馬縣  
車引軍上百丈崖出温谷以入盧氏進次方伯堆  
去弘農城五里元景引軍度熊耳山安都頓軍弘



農罷法起進據潼關

又東北逕

**入川城南**謝兆甲云宋本即作逕邑川城

漢封竇門之故邑川受其名亦曰竇門城在函谷

關南七里又東北田渠川水注之出衡山之白石

谷東北流逕故丘亭東是薛安都軍所從城也其

水又逕鹿蹄山西山石之上有鹿蹄自然成者非

人功所刊歷田渠川謂之田渠水西北流注于燭

水燭水又北入門水水之左右即函谷山也門水

又北逕弘農縣故城東城即故函谷關校尉舊治

處也終軍棄繻於此燕丹孟嘗亦義動雞鳴於其

下燕丹于日丹去秦夜到關關門未開丹為雞鳴眾雞比日鳴遂得逃歸可謂深心有

感志誠難奪矣昔老子西入關尹喜望氣於此也

故趙至與嵇茂齊書曰李叟入秦及關而歎亦言

與嵇叔夜書及關尹望氣之所異說紛綸並未知

所定矣漢武帝元鼎四年徙關於新安縣以故關

為弘農縣弘農郡治王莽更名右隊劉桓公為郡


虎相隨渡河光武聞而善之其水側城北流而注

于河河水於此有洹津詳下文當洹津之名說者咸云

漢武微行柏谷遇辱竇門又感其妻深識之饋既

返玉階厚賞賚焉賜以河津令其鬻渡今竇津者

是也故潘岳西征賦酬匹婦其已秦胡厥夫之謬




官袁豹之徒並以爲然余按河之南畔夾側水濱  
 有測一作澗謂之涇津河北縣有涇水涇津其水  
 南入于河河水故有涇津之名不從門始蓋事類  
 名同故作者是之竹書穆天子傳曰天子自寘軫  
 乃次于涇水之陽丁亥入于南鄭考其泐歷所鍾  
 路直斯津以是推之知非因門矣俗或謂之偃鄉  
 澗水也河水又有左右一水其水三源疏引俱導  
 薄水南流會成一川其三水之內世謂之閑原言  
 虞芮所爭之田所未詳矣又南注于河河水右會  
 水注之水出南山北逕曹陽亭西陳涉遣周章入

秦少符

史記秦少符章邯

章邯斬之於此魏氏以爲好陽

晉書地道記曰亭在弘農縣東十三里其水西北  
 流入于河河水又東蓄水注之水出常烝之山西  
 北逕曲沃城南又屈逕其城西西北入河諸注述  
 者咸言曲沃在北此非也魏司徒崔浩以爲曲沃  
 地名也余按春秋文公十三年晉侯使詹嘉守桃  
 林之塞處此以備秦時以曲沃之官守之故曲沃  
 之名遂爲積古之傳矣河水又東得七里澗澗在  
 陝西孫云陝西陝縣之西也七里故因名焉谷水自南山通  
 河亦謂之曹陽坑是以潘岳西征賦曰行於漫瀆




之口憩於曹陽之墟袁豹崔浩亦不非其地矣余按漢書昔獻帝東遷逼以寇難李傕郭汜追戰于弘農澗天子遂露次曹陽楊奉董承外與傕和內引白波李樂等破傕乘輿於是得進復來戰奉等大敗兵相連綴四十餘里方得達陝以是推之似非曹陽然以山海經曰求之菑曹字相類是或有曹陽之名也河水東合譙譙水導源常烝之山俗謂之爲于山蓋先後之異名也山在陝城南八十里其川流也二源雙導同注一壑而西北流注于河

又東過陝縣北

橐水出橐山西北流又有于水出南山北合逕崖峽北流與于山之水會出于山東谷兩川合注于崖水又東北注橐水北流出谷謂之漫澗矣與安陽溪水合水出石嶺南西逕安陽城南漢武帝封上官桀爲侯國也潘岳所謂我祖安陽也東合漫澗水北有逆旅亭謂之漫口客舍也

又西逕陝縣故城南


又合一水謂之瀆谷水南出近溪北流注橐其水又西北逕陝城西西北入于河河北對茅城故茅





亭茅戎邑也公羊曰晉敗入大陽者也津亦取名焉春秋文公三年秦伯伐晉自茅津濟封峭尸而還是也東則咸陽澗水注之水出北虞山南至陝津注河河南即陝城也昔周邵分伯以此城為東西之別東城即虢邑之上陽也虢仲之所都為南虢三虢此其一焉其大城中有小城故焦國也武王以封神農之後於此王莽更名黃眉矣戴延之云城南倚山原北臨黃河縣水百餘仞臨之者咸悚惕焉西北帶河水湧起方數十丈有物居水中父老云銅翁仲所投處又云石虎載經於此沈沒

二物並存水所以湧所未詳也或云翁仲頭髻當出水之漲減恒與水齊晉軍當至髻不復出今唯見水異耳嗟嗟有聲聲聞數里按秦始皇二十一年長狄十二見於臨洮長五丈餘以為善祥鑄金人十二以象之各重二十四萬斤坐之宮門之前謂之金狄皆銘其胸云皇帝二十六年初兼天下以為郡縣正法律同度量大人來見臨洮身長五丈足六尺李斯書也故衛恒敘篆曰秦之李斯號為工篆諸山及銅山山當銘皆斯書也漢自防防房徙之未央前俗謂之翁仲矣地皇二年王莽




夢銅人泣惡之念銅人銘有皇帝初兼天下文使  
 尚方工鑄滅所夢銅人膺文後董卓毀其九為錢  
 其在者三魏明帝欲徙之洛陽重不可勝至霸水  
 西停之漢晉春秋曰或言金狄泣故留之石虎取  
 置鄴宮符舊本符字堅又徙之長安毀二為錢  
 其一未至而付堅亂百姓推置陝北河中於是金  
 狄滅除一作以為鴻河巨瀆故應不為細梗躓湍  
 流宋本無長津碩浪無宜以微物屯流斯水之所  
 以濤波者蓋史記所云魏文侯二十六年虢山崩  
 隄河所致耳獻帝東遷自父潛渡墜坑爭舟舟指

可掬亦是處矣後漢書曰李傕郭汜遷獻帝至  
董承承楊奉等以人有離心夜乃潛  
過河使李樂先度具舟船舉火為應帝步出營  
河岸高千餘丈乃縋繩而下餘人或匍匐岸側或  
從上自投死亡傷殘爭赴船者不可禁制董承以  
戈擊披之斷手指於舟中者可掬既到大陽止於  
家人

又東過大陽縣南

交澗水出吳山東南流入河河水又東路澗水亦  
 出吳山東逕大陽城西西南流注疑有水入于河  
 河水又東逕大陽縣故城南

竹書紀年曰晉獻公十有九年獻公會虞師伐虢  
 滅下陽虢公醜奔衛獻公命瑕父呂甥邑于虢都



地理志曰北虢也有天子廟漢志河東郡大陽虢所封邑有天子廟王莽更名勤田應劭地理風俗記城南大河之陽也

河水又東沙澗水注之

北出虞山東南逕傳巖歷傳說隱室前俗名之為

聖人窟十三州記云大陽縣屬河東郡傳巖在其界今住穴尚存孔安國傳傳

說隱於虞虢之間即此處也傳巖東北十餘里即

巖幹坂也春秋左傳所謂人自巖幹者也有東西

絕澗左右幽空窮深地壑中則築以成道指南北

之路謂之為幹橋也穆天子傳已丑天子南登薄山虞幹之澗乃宿于虞郭

注云今幹橋西南南傳說備隱止息於此高宗求夢

得之是矣橋之東北有虞原上道東有虞城堯妻

舜以嬪于虞者也周武王以封太伯弟虞仲於此

是為虞公太原地記所謂北虞也城東有山世謂

之五家冢冢上有虞公廟春秋穀梁傳曰晉獻公


將伐虢荀息曰君何不以屈產之乘垂棘之璧假

道於虞公曰此晉國之寶也曰是取中府置外府

也公從之及取虢滅虞乃牽馬操壁壁則猶故馬

齒長矣即宮之奇所以謂虞虢其猶輔車相依唇

亡則齒寒虢亡虞亦亡矣其城北對長坂二十許




里謂之虞坂戴延之曰自上及下七山相重戰國  
策曰昔騏驥駕鹽車上於虞坂遷延負轅而不能  
進此蓋其困處也橋水東北山溪中有小水西南  
流沙澗亂流逕大陽城東河北郡治也澗水南流  
逕注于河河水又東右一作南左右積石土柱二溪  
並北發大陽之山南流入于河是山也亦通謂之  
爲薄山矣故穆天子傳曰天子自鹽舊本作臨巴丑南  
登于薄寘軫之陞乃宿于虞是也

又東過砥柱間

砥柱山名也昔禹治洪水山陵當水者鑿之故破


山以通河河水分流包山而過山見水中若柱然  
故曰砥柱也三穿旣決水流疎分指狀表曰亦謂  
之三門矣山在虢城東北大陽城東也搜神記稱  
齊景公渡于江沈之河鼃銜左驂沒之衆皆脫一驚字  
惕古冶子於是拔劍從之邪行五里逾行三里至  
于砥柱之下乃鼃也左手持鼃頭右手挾左驂燕  
躍鵠踴而出仰天大呼水爲逆流三百步觀者皆  
以爲河伯也亦或作江沅字者也若因地而爲名  
則宜在蜀及長沙按春秋此二土並景公之所不  
至古冶子亦無因而騁其勇矣劉向敘晏子春秋



稱古冶子曰吾嘗濟于河龜銜左騾以入砥柱之  
流當是時也從而殺之視之乃龜也不言江沅矣  
又考史遷記云景公十二年公見晉平公十八年  
復見晉昭公旌軒所指路直斯津從龜砥柱事或  
在茲又云觀者以為河伯賢於江沅之證河伯本  
非江神又河可知也舊本作又何可知也何字亦衍  
河之右則嶠水注之


出河南盤嶠山西北流水上有梁俗謂之鴨橋也  
歷澗水東北流與石嶠水合水出石嶠山山有二  
陵南陵夏后皐之墓北陵文王所避風雨矣言  
山徑委深峯阜交蔭故可以避風雨也秦將襲鄭  
蹇叔致諫而公辭焉蹇叔哭子曰吾見其出不見  
其入晉人禦師必於嶠矣余收爾骨焉孟明果覆  
秦師於此嶠水又北左右合西水亂流注于河  
河水又東于嶠之水注焉

水南導於于嶠之山其水北流纏絡二道漢建安  
中曹公西討巴漢惡南路之嶮故更開北道自後  
行旅率多從之今山側附路有石銘云晉太康三  
年弘農太守梁柳元和郡縣志引此作梁柳按玄  
晏春秋云梁柳是皇甫士安從  
姑之子也官城陽太守修復舊道太嶠以東西明非



一嶠也。西有二石，又南五六十步，臨溪有恬漠先生翼神碑，蓋隱斯山也。其水北流，注于河。河水翼岸夾山，巍峯岐舉，羣山疊秀，重嶺干霄。鄭玄按地說：河水東流，貫砥柱，觸闕流。今世所謂砥柱者，蓋乃闕流也。砥柱當在西河，未詳也。余按鄭玄所說，非自西河，當無山以礙之。自砥柱以下，五戶已上，其間一百二十里，河水竦石，桀出勢連，襄陸蓋亦禹鑿以通河，疑此闕流也。其山雖闕，尚梗湍流，激石雲洄，濛波怒溢，合有一十九灘。水流迅急，勢同三峽，被害舟船，自古所患。漢鴻嘉四年，楊焉言從

河上，下患砥柱隘，可鑄廣之上，乃令焉鑄之。裁沒水中，不能復去。而今六益湍怒，害甚平日。魏景初二年二月，帝遣都督沙兵謝兆申云沙兵一作沙丘部監運諫議大夫寇茲帥脫一工字五千人，歲常修治平河。岨晉秦始皇三年當作晉泰始三年五月，武帝遣監運太中大夫趙國都匠中郎將河東樂世帥衆五千餘人，修治河灘。事見五戶祠銘。雖世代加功，水流湍濟，濤波尚屯，及其商舟是次，鮮不踟躕難濟。故有衆峽諸灘之言。五戶灘名也。有神祠，通謂之五戶將軍，亦不知所以也。



又東過平陰縣北又東至鄧清水從西北來注之

清水出清廉山之西嶺世亦謂清營山其水東南流出峽峽左有城蓋古關防也清水歷其南東流逕臯落城北服虔曰赤翟之都也世謂之倚毫城蓋讀聲近傳因失實也春秋左傳所謂晉侯使大子申生伐東山臯落氏者也與倚毫川水合水出北山礦谷東南流注于清清水又東逕清廉城南又東南流又會南溪溪水出南山而東注清水又東合棗澗水水出左人嶺下南流俗謂之扶蘇水又南歷奸苗北馬頭山赤疑作曰宋本無白水原

西南逕垣縣故城北史記魏武侯二年城安邑至

垣卽是縣也其水西南入清水色白濁初會清流

**流注**宋本無流注二字乃有玄素之異也清水又東南逕

陽壺城東卽垣縣之壺城東卽垣縣之壺丘亭晉遷宋五大夫所居也清水又東南流注于河


河水又東與教水合


出垣縣北教山南逕輔山高二十許里上有泉不

測其深山頂周員五六里少草木山海經曰孟門

東南有平山水出于其上潛注其下又是王屋之

次疑卽平山也其水南流歷鼓鍾上峽懸洪五十





飛流江壑夾岸深高壁立直上。經崖秀舉百有  
丈。峯次青松巖。懸巖石於中。歷落有翠柏生焉。丹  
青綺分。望若圖繡矣。水廣一十許步。南流歷鼓鐘  
川。分為二澗。一澗西北出一百六十許里。山岫迴  
咀。纔通馬步。今聞喜縣東北谷口。猶有乾河里。故  
溝存焉。今無復有水。一水歷冶官西。世人謂之鼓  
鐘城。城之左右。猶有遺銅及銅錢也。城西阜下有  
大泉。西流注澗。與教水合。伏入石下。南至下峽。山  
海經曰。鼓鐘之山。帝臺之所以錫百神。卽是山也。  
其水西源。雙發。南至西馬頭山。東載謝非刊  
載疑作

下。又伏流南十餘里。復出。又謂之伏流。  
河。山海經曰。教山。教水出焉。又南流注于河。今山  
海經  
作西流  
注于河是水。冬乾夏流。實惟乾河也。今世人猶謂  
之爲乾澗矣。

河水又與畛水合

水出新安縣青要山。今謂之疆山。山海經曰。河長


澗水北流入于河。山海經曰。青要之山。畛水出焉。

卽是水也。此處錯誤。當云山海經曰。青要之山。下  
畛水出焉。北流注于河。卽是水也。

水又東。正回之水入焉。水出焉。山疆山東阜也。東

流。謂之疆川水。今出西北石





東流注于河

流注于河

河水又東合庸庸之水山經作

水出河南垣縣宜蘇山俗謂之長泉水山海經曰

水多黃貝伊洛門也其水北流分為二水一水北

入河一水又東北流注于河

河水又東逕平陰縣北

地理風俗記曰河南平陰縣故晉陰地陰戎之居

居又曰在平城之南故曰平陰也三老董公說高

祖處陸機所謂饕餮之

魏文帝改曰河陰

河水西會濩水一作

水出垣縣王屋西山濩溪夾山東南流逕故城東

即濩關也漢光武建武二年遣司空王梁北守濩

關天井關擊赤眉別校皆降之獻帝自陝北渡安

邑東出濩關即是關也濩水西屈逕關城南歷軹

關南逕芝亭西亭故周之苗邑也又東流注于河

經書清水非宋本也是以濩水耳

作清

夜閱

廿

水經注箋卷第五

漢 桑欽撰

後魏酈道元注

明 李長庚訂

孫汝澄

朱謀埠箋


李克家全校

河水五 漂水

河水又東過平陰縣北湛水從北來注之河水又東  
逕河陽縣故城南

春秋經書天王狩于河陽壬申公朝于王所晉侯  
執衛侯而歸于京師春秋左傳僖公二十八年冬  
會于温執衛侯是會也晉侯召襄王以諸侯見且

國家圖書館, NATIONAL CENTRAL LIBRARY, TAIWAN, R.O.C.



使王狩仲尼曰以臣召君不可以訓故書曰天王狩于河陽言非其狩地服虔賈逵曰河陽温也班固漢書地理志司馬彪袁崧郡國志晉太康地道記十三州志河陽別縣非温邑也漢高帝六年封陳涓為侯國王莽之河亭也十三州志曰治河上河孟津河也孫按漢志師古曰孟津在洛陽之北都道所湊故號孟津郭緣生述征記曰踐土今治坂城是名異春秋焉非今河北見者河陽城故也也在治坂西北蓋晉之温地故羣儒有温之論矣土地記曰治坂城舊名漢祖渡城嶮固南臨孟津河洛陽西北四十二里故

鄧鄉矣

河水又逕臨平亭北

帝王世紀曰光武葬臨平亭南西望平陰者也

河水又東逕洛陽縣北

河之南岸有二宋本一作一碑北面題云洛陽北界水二


渚分為之也上舊有河平侯祠祠前有碑今不知


所在郭頒世語曰晉文王之世大魚見孟津長數

百步高五丈頭在南岸尾在中渚河平侯祠即斯

祠也

河水又東逕平縣故城北





漢武帝元朔三年封濟北貞王子劉遂為侯國

子侯表云平侯遂者濟北式王子孫云按史記建安以來年表平侯劉遂濟北真王子索隱曰同是元朔三年十月封

漢表恐因此誤王莽之所謂治平矣俗謂之小

平也有高祖講武場河北側岸有二城相對置北

中郎府徙諸從隸府戶并羽林虎賁領隊防之

通志云四中郎將並後漢置江左彌重或領刺史或持節為之銀印青綬服同將軍後魏靈太后時

任城王澄奏宜以東中郎帶滎陽郡南中郎帶魯陽郡西中郎帶弘農郡北中郎帶河南郡選一品

二品親賢居之配以疆河水南對首陽山春秋所

謂首戴也夷齊之歌所矣曰登彼西山

齊之歌所以曰上有夷齊之廟前有二碑並是後

漢河南尹廣陵陳導洛陽令徐循與處士平蘇騰

南陽何進等立事見其碑又有周公廟魏氏起玄

武觀於芒番張景陽玄武觀賦所謂高樓特起竦

峙岩堯直亭

亭脫一以孤立延千里之清飈也朝廷

有當作置冰室於斯阜室內有水井春秋左傳曰

日在北陸而藏冰常以十二月採冰於河津之隘

峽石之阿北陰之中即邠詩二之日鑿冰冲冲矣

而內於井室所謂納於凌陰者也河南有鉤陳壘

世傳武王伐紂八百諸侯所會處尚書所謂不期

同時也紫微有鉤陳之宿主鬪訟兵陣故遁甲攻

有又古字通

原字從  
錄釋

元凱以大夏死於此故竭思以成之

取之法以所攻神與勾陳并氣下制所臨之辰則

秩疑禽敵是以壘資其名矣河水至謝作由斯有

盟津之目論衡曰武王伐紂升舟陽侯波起疾風

疾當作流武王操黃鉞而麾之風波畢除中流白

魚入於舟熿以告天與八百諸侯咸同此盟尚書

所謂不謀同辭也故曰孟津亦曰盟津尚書所謂

東至于孟津者也又曰富平津晉陽秋曰杜預造

橋於富平津所謂造舟為梁也又謂之曰陶河魏

尚書僕射杜畿以帝將許魏志云帝將幸許試樓船覆於

陶河謂此也昔禹治洪水觀於河見白面長人魚

身出曰吾河精也授禹河圖而還於淵及子朝篡

位與敬王戰乃取周之寶玉沈河以祈福後二日

津人得之於河上將賣之則變而為石及敬王位

定得玉者獻之復為玉也

河水又東沮水入焉

山海經曰和山上無草木而多瑤碧實惟河之九


都是山也五典山海經作五曲九水出焉合而北流注于

河其陽多蒼玉吉神泰逢司之是於黃山之陽海山

經作是好居於黃山之陽出入有光呂氏春秋曰夏后氏孔甲

田於東陽黃山遇大風雨迷惑入于民室皇甫謐

洛



帝王世紀以為即東首陽山也蓋是山之殊目矣

今於首陽東山無水以應之當是今古世懸川域

改狀矣一作或山昔帝堯修壇河洛擇良議沈率

舜等升於首山而導河渚有五老遊焉相謂河圖

將來告帝以期知我者重瞳也五老乃翻為流星

而升於昴即於此也論語曰堯與舜等遊

老曰河圖將來告帝期河圖將浮龍銜玉苞刻版

題命可卷金泥玉檢書成知我者重瞳黃姚歌首

五老飛入於品又東沛水注焉又東過鞏縣北孫云沛水當作沛水

中凡有沛水河水於此有五社渡為五社津建武元年朱鮪遣

持節使者賈彊討難將軍蘇茂將三萬人從五社

津渡攻溫馮異遣校尉與寇恂合擊之大敗追至

河上生擒萬餘人投河而死者數千人縣北有山

臨城謂之釜崖丘其下有穴謂之鞏穴言潛通浦

北達於河直穴有渚謂之鮪渚後漢書注引水經

社津一名土社津有山臨河其下有穴潛通淮浦有渚謂之鮪渚成公子安大河


賦曰鱣鯉王鮪暮來遊周禮春薦鮪然非時及侗

處則無故河自鮪穴已上又兼鮪稱呂氏春秋稱

武王伐紂至鮪水紂使膠鬲候脫周師即是呂覽

武

此當直為改



王伐殷至鮪水殷使膠鬲候周師日竭至武王日將以甲子至殷郊

洛水從縣西北流注之

洛水於鞏縣而東洛汭北對琅邪渚入于河謂之

洛口矣自縣西來而北流注洛清濁異流皦焉殊

別應場虛當作靈河賦曰資虛當作靈川之遐源出崑

崙之神丘涉津洛之峻泉播九道於中州者也初學

記載靈河賦云資靈川之遐源涉津洛之阪泉

又東過成臯縣北濟水從北來注之

河水自洛口又東左逕平高縣南又東逕懷縣南

濟水故道之所入與成臯分河水

河水又逕黃馬坂北

謂之黃馬關孫登之去楊駿作書與洛中故人處

也晉書云武帝崩楊駿輔政百官總已公室怨望天下憤然駿自知素無美望乃徵高士孫登遺

以布被登截被於門大呼曰斫斫刺刺旬日託疾詳死後駿果敗死于馬廐

河水又東逕旋門坂北


今成臯西大坂者也昇陟此坂而東趣成臯也曹


大家東征賦曰望河洛之交流看成臯之旋門者

也

河水東逕成臯大伾山下

孫云按史記括地志云大伾山今名黎陽東山在衛州黎陽南張揖云今成臯非也





古人通作熒

疑有脫誤

爾雅曰山一成謂之伾許慎呂忱等並以爲丘一成也孔安國以爲再成曰伾亦或以爲地名非也尚書禹貢曰過洛汭至大伾者也鄭康成曰地喉也流宋本作流出伾際矣然則大伾在河內修武武德之界濟沆之水與熒熒家云熒當作熒播澤出入自此然則大伾卽是山矣伾北卽經所謂濟水從北來注之者也今沛水自温縣入河不於此也所入者奉濟舊本作溝水耳卽溝舊本作濟沆之故瀆矣成臯縣之故伾上縈帶伾阜絕岸峻周高四十許丈城張翕嶮崎而不平春秋傳曰制嚴邑也虢叔死焉卽東虢

也魯襄公二年七月晉成公與諸侯會于咸孫云咸左傳作會于咸遂城虎牢以逼鄭求平也蓋脩故耳穆

天子傳曰天子射鳥獵獸於鄭圃命虞人掠林有

虎在乎舊本作於葭中天子將至七萃之士高奔戎生

擒虎而獻之天子命之爲柙畜之東虞是曰虎牢


矣然則虎牢之名自此始也秦以爲關漢乃縣之

城西北隅有小城周三里北面列觀臨河茗茗當

盡川陸羈途遊至有傷深情

河水南對玉門





昔漢祖與滕公潛出濟於是處也門東對臨河側  
岸有土穴魏攻宋本同州刺史毛德祖於虎牢  
戰經二百日不尅城唯一井井深四十丈山勢峻  
峭不容防捍潛作地道取井余頃因公至彼故往  
尋之其次處猶存

河水又東合汜水孫云按史記正義曰汜音似汜水在成臯故城東

水南出浮戲山世謂之曰方山也北流車關水出  
于嵩渚之山也泉發於層阜之上源兩枝分流  
瀉注世謂之石泉水也東流為索水西注為車關  
西北流楊蘭水注之水出非山西北流注為車關

疑有脫字

宋本

石哇

水又西北蒲水入焉水自東浦西流與車關水合  
而亂流注于汜汜水又北右合石城水水出石城  
山其山複澗重嶺歌疊若城山頂泉流瀑布懸瀉  
下有濫泉東流洩注邊有數十石哇哇有聲宋本  
野蔬巖側石窟數口隱跡存焉而不知誰所經始  
也又東北流注入于汜水汜水下北合鄂水水西  
出婁山至冬則煖故世謂之溫泉東北流逕田鄂  
谷謂之田鄂溪水東流注于汜水汜水又北逕虎  
牢城東溪當作漢破司馬欣曹咎於是水之上汜水  
又北流注于河征難賦盧諶有所謂步汜口之芳

當有之字

水經注

卷五

三百七十五

草弔周襄之鄙館者也余按疑脫一先字儒之論周襄所居在潁川襄城縣是乃城名非為水目原夫致謬之由俱以汜鄭為名故也是為爽矣又按郭緣生述征記劉澄之末初記並言高祖即帝位於是水陽今不復知舊壇所在盧湛崔雲亦言是矣余按高皇帝受天命于定陶汜水又不在此也於是求壇故為髣髴矣孫云定陶汜水汜音泛史記正義曰數劍反取其汜愛而潤下

河水又東逕板城北

有津謂之板城渚口

河水又東逕五龍塢北

臨長河塢有五龍祠應劭云崑崙山廟在河東滎陽縣疑即此祠所未詳

又東過滎陽縣蕩蕩渠出焉

大禹塞滎澤開之以通淮泗即經所謂蕩蕩渠也

漢平帝之世河汴決壞未及得修汴渠東侵日月

彌廣水門故處皆在水中後漢書王景傳云水門故處皆在河中御覽引

水經注作漢明帝永平十二年議治汴渠上乃引

樂浪人王景問理水形便景陳利害應對敏捷帝甚善之乃賜山海經河渠書禹貢圖及以錢帛後作堤發卒數十萬詔景與將作謁者王昊共防築

